

三經同卷

血湖經
甘靈經
郭都經
往生經



太上說九幽拔罪心印妙經

爾時

元始天尊坐七寶殿放大光明徧照三千大千世界觀見衆生受諸苦惱沉淪生死受報无窮於是救苦真人即從座起瞻仰

尊顏長跪問曰是諸衆生以何因緣飄蕩苦海沉沒无邊

天尊告曰如是衆生受諸惡業皆由自心妄想顛倒不悟无爲一切罪根皆從心起天堂快樂自由心生三界沉淪亦從心起心生邪

見妄起貪嗔心生惑亂存念非真心懷殺害
受諸類身心生諂曲與道无因心生虛寂與
道相親重宣此義而說偈曰
大道澄廓 无理幽深 先天而生 運化古今
道无形體 澄濾身心 不貪不慾 不嗔不淫

指九

十二

是非莫識 表裏思尋 身心清淨 煩惱不侵
无起无滅 冥漠難斟 湛然空寂 了心无心
自然合道 衆聖來欽 昇朝金闕 遊翫騫林
七祖解脫 永離幽陰 皆契心印 悟道合真
念念相繼 勿起塵心

是時受苦衆生聞說妙經咸皆解脫衆真作
禮悉大歡喜稱揚讚歎依教奉行卽直令真

太上說九幽拔罪心印妙經終

